



# Դանիել Վարուժան

## Անդապահը

– «Եհե՛. եհե՛. արտերուն մեջ մարդ մարդաձայն չը մըտնե՛»:  
Հովեուն հետ սարեն եկող անդապահին աղաղակն է:

Ուսընդանութ պարկը կախած և մասրենի ցուպ մը ձեռքին՝  
Յորյաններու գըմրուխտին մեջ կը թափառի ան առանձին:

Արևներուն մեջ կը լողա ինչպես ամրան իշամեղուն:  
Աչքերուն մեջ կը ծավալի կականչ երագը դաշտերուն:

Գիշերը մերթ սարին նըստած լուսինին դեմ կ'ածե սրբինգ.  
Խրտվիլակը ցանքին մեջեն, միակ ընկեր, կը լսե գինք:

Երգերուն տակ անդորրական հասկերն համայն կը ծոցվորին.  
Կը կատաղի՝ երբոր գանոնք իր թևին տակ լըլկե քամին:

Ան սարսափն է բոլոր անոնց՝ որ կ'ավրեն անդ ու անդաստան.  
Կը խըռովեն շողքն արևուն, կը կոխկըրտեն հացը վաղվան:

Ի՛նչ խլորդներ ըսպաննած, և անդագլուխ ի՛նչ գոմեշներ  
Հարվածներեն իր ճարահատ ճահիճներն են ապաստաներ:

Ան դեռ երեկ քաղվորներու չըքնաղ երամ մ'հալածելով՝  
Հարսի մը ոտքը ջախջախեց սատկած իշու մ'հաղթ ծնոտով:

Ու սարին վրա միշտ հովերո՛ւն, հովերո՛ւն հետ կ'աղաղակե.  
— «Եհե՛. եհե՛. արտերուն մեջ մարդ մարդաձայն չը մըտնե՛»:

---